

豫章叢書

第二三册

1904

宗伯集卷七

宋 孔武仲 常父 著

律詩

登湘陰北寺江亭

古縣峩新刹孤亭登上頭野芳侵坐綠江水帶天流  
絲斷湘靈瑟蘋荒帝子洲人寰真似夢頃刻已千秋

辭二妃廟

盤空烏鵲噪叢祠船上行人半起時殘月隴隴傾島  
嶼南風嫋嫋透旌旗開帆便欲日千里別廟仍澆酒  
一卮岸芷汀蘭俱可薦新聲翻入九歌詞

過洞庭二首

朝來四境宿雲披，漸放扁舟出渺瀰。  
漠漠衣襟和水霧，悠悠簾幙挂天絲。  
波平自喜看書穩，風軟翻憂出險逢。  
今夜君山興不淺，登臨應是月明時。

杳杳湖天極目中，波光日影兩陶鎔。  
舟離廟步灣環水，帆指君山縹緲峰。  
昔日南征期飲馬，今朝北去想騎龍。  
歸來若得醉鄉隱，願化春醪萬頃醲。

自君山還岳陽

雲山深處望瀟湘，巖谷沉沉已夕陽。  
却整舟航凌浩渺，回看城郭似家鄉。  
揮戈徑欲回羲馭，散髮今知出

呂朶不是浮休動歸興對眠猶可借禪床  
是日浮休居士張芸  
老欲速歸遂  
乘晚北渡

登涵暉亭

常時洲島隔波瀾故覓君山直上看  
卷畫園林春減色水精宮闕畫添  
寒州城斜引羣峰小湖面平吞數  
驛寬坐久西風響喬木扁舟思到  
武陵灘

藤杖贈張從道

羣木蔚蒼蒼烏藤壽且長一朝隨剪伐千里任持將  
扣觸如金石摧殘耐雪霜崎嶇伴臘屐閑暇倚巖墻  
我亦筋骸乏君方步履強臨歧輒分贈縞紵莫相忘

入萬家園

行盡東南郡重來訪舊居此心能有止佗境更誰如  
入徑看生笋臨池聽躍魚仍貪田舍樂植杖勸芸鋤

太乙宮

江城南畔是蓮峰疇昔真人寄此中琳宇遠深靈迹  
在仙壇半落杏花空池塘自老琴高鯉巖谷仍回禦  
寇風共羨碧虛官職好誰知陰有濟民功

紫極宮默軒

冥坐寂不語先生心謂何逍遙疎世味恬淡養天和  
一息忘言後方知得象多壺中藏日月鼎裏煮山河

泛清溪入齊山

轉轎南堤太阻長不如乘興泛輕航園林蔭翳清如  
簞禽烏將迎語有黃溪是明河天上去山疑方丈室  
中藏衣巾散適心閑暇更勝登臨逐杜郎

又三絕

風定南溪映碧虛扁舟選勝百蟠紆荷花荷葉明人  
眼猶記當年入鏡湖

咫尺齊山不易登力驅煩冗得身輕瑤巖珉洞須尋  
遍從此乘風上玉京

舊遊蕭索十年餘走遍東南雪滿鬚醉灑銀鈎題歲

月窺園猶在壁間無

登齊山

路出南堤思灑然烏藤點點破苔圓山腰仄塞元無  
路洞裏虛明別有天六月松風醒客醉千叢怪石伴  
僧禪近人登覽方爲貴從此匡廬不值錢

九華山

扁舟重過九青蓮極目空明思浩然可是化工頃刻  
畫只應山骨偶枝駢風高迴認龍騰海雲散初疑劍  
插天剩採大湖嵌孔石南窗排列貯飛仙

王文玉出清溪圖以示坐客

舟在此渙津披圖看愈親須知堂上客便是畫中人  
蕭灑蒼葭映春容碧浪春秀山旁發脈秋浦淨爲隣  
飛鷺來窺影遊魚可數鱗飲闌須卷去聊以辟京塵

翠微亭

蠟屐縈紆洞府間飛甍仍在最高巔青山東去餘無  
地黃潦西流正接天太子池塘煙漫漫紫微蹤跡草  
芊芊松枯石朽由來事莫作常情嘆逝川

銅陵縣端午日寄兄弟

寄經甫

柳浦移舟帶雨行奔波南北是平生忽驚佳節臨端



午還記當年客禁城丹杏釘盤深簇火碧醪傾蓋曠  
堆餽菖蒲角粽俱如舊何事樽前醉不成

寄季毅

南北飄然各轉蓬佳辰無路笑言同銅陵縣冷更微  
雨白鶴樓高來遠風纓剝雪肩明席上酒傾水鑑徹  
盃中區區羈旅無歡笑遙想華堂屢一烘

清涼寺

白寺荒灣略緘舟攜筇來作上方遊何年巧思開金  
刹自古精兵聚石頭核壘無人空向久高堂問話凜  
生秋雲庵快望窮于里一借澄江洗客憂

白雲庵

青山爲路竹爲門千里風帆到此軒誰把吳王歌管  
地一時分付給孤園

石城詞

門外雲潮去復回山頭宮殿鎖蒼苔清風明月無與  
廢白鷺烏鴉自往來百戰英雄俱戲劇淒然空起予  
山哀

瓜步解舟

日落怒號息扁舟從此移巨鱗初脫鼎勁翻不黏鰲  
厓歷前行路茫茫北去陂白沙聊繫泊燈火夜深時

至樟樹店寄徐安道

逼仄東南路連天紫翠峰微雲還掩日小雨正催農  
谷鳥披枝急山花落澗濃意巖今不遠談笑喜相逢  
次韻和知郡朝奉登禪月臺書事二首

物有賤而貴勸公收樺皮自能生烈火何用蒸香脂  
山徑狂風夜茅簷密雪時金蓮粹難買唯此頗相宜

又

素月寒光好高齋夜已扃影難穿密紙光稍泛疎櫺  
皎潔臨書案朦朧到硯屏沉吟憶丹桂更欲步中庭

風鐸

瀟灑當簷鐸淒涼不斷風高堂人語後廣殿月明中  
暫歇還歸靜重來復滿空羣仙鳴玉佩初下廣寒宮

明妃

碧落千萬里輕雲何處來仙衣行縹緲海鶴去徘徊  
映日低秦嶺隨風過楚臺茅簷看不足更欲上崔嵬  
讀經甫所作高承制銘因寄之

征路杳無窮山川掩映中記程知遠近分境識西東  
倦客似飄梗輕鞍如去鴻平生慣相遇轉愧坐禪翁

雜詩四首

春風仰屋卧田廬海日鮮明柳影疎  
夢覺不知身處

所此身依約是華胥

平日扁舟千里行年來無地濯塵纓朝衣曉趁東華  
路喜有官橋流水聲

霞冠鶴氅一道士夔半流丹三四粒云是月華宮裏  
人掌心猶帶銀波濕

利箱名驅夜廢眠王城車馬日喧闐誰知坦腹春風  
裏醉卧墻陰不計年

酒壚西墻畫一醉仙去地尺而  
卧下通糞洩似胸中曠然能忘

世俗之榮辱者  
故感而賦云

早朝遇執政於路

紅燭轉沙堤天門仗未齊槐陰勒馬待明在御溝西

曉過州橋

曉日蒼涼宿霧東  
蓬萊金碧起浮空  
滄溟萬里排天去  
人物紛紛海市中

祇廟祈晴

叢祠齋滌夜焚香  
解帶投眠小簟涼  
雲色倚秋猶浩渺  
雨聲羞曉故摧藏

陳用之挽詞二首

禮學康成後朝廷復有人  
詩書奏旒辰盛服錫朱銀  
氣象生臺閣光華動縉紳  
幽途應不憾朋友自沾巾

又

小疾謂可起斯人今則亡溪山迷故國妻子寄它鄉  
館閣應留像朝廷爲給喪榮華雖不滿尙勝賈司倉  
詩送應子發之官吳興

又向吳興去江湖風雪天萊衣歸巖綵儉幕看依蓮  
伉直不隨世低回今有年誰將華陰土一爲拭龍泉  
曹家巷稅居三首

小楮

眇小牆陰數尺裁兒童欲拔幾徘徊須知造化機關  
敏坐見重重羽扇開

小槐

台抱庭槐已自奇，何年春色長孫枝。  
主張莫使隨葑蕀，檣會見繁柯偃蓋時。

小井

團團樣學天邊月，汨汨聲迴地底泉。  
剩貯黃金還屋稅，此功寧止見山錢。

送祠部劉儀文知潁州

厭逐京師車馬塵，乞爲林下水邊人。  
江湖入夢歸心壯，道路生輝使節新。  
豈弟宜民推善政，清閑無訟稱天真。  
如聞此府多遷擢，剩醉西潮爛熯春。

板橋辭大母靈輦三首



古仗凶饑備古今哀歌仍雜管簫音喧闐四海修同  
軌未滿君王孝養心

元夕三宮綵仗隨月華燈彩近瑤池連昌故老曾經

見似夢如醒恍自疑

元夕陳僕衛  
明日發引

鬱鬱陵臺瑞氣多短簫聲裂想悲歌西郊淚盡身先  
返惟有心隨洛水波

宋履中學士挽詞二首

朝論方知子哀哉疾不瘳歌聞湘浦些魂返岱宗遊  
文雅承三世淵源見九流音容如可接圖像在瀛洲

又

跡忝詞場舊官俱瀛府仙過從常永日推予更忘年  
素業期三友幽途隔九泉春明書史富貴與弟兄賢

和四弟夏雨

蠶月雨冥冥愁雲滿太清庭階猶積潤溝港更繁聲  
遠緣應浮野餘涼稍及城隋河今不淺放艇欲南征  
之官宣城贈毅父次其韻

幾夕林聲醞造秋移舫回指鳳凰樓身疲禁內凝嚴  
地恩與江南爽塏州歷數近城多異境問知前政盡  
名流嘉觀勝賞應難盡更爲吟哦萬古愁

除宣城守贈元忠毅父次其韻

垂楊正好移舟看輕舸何妨出沐遲疊嶂雙溪雖未  
歷白雲芳草已相知

送張文潛出守丹陽

山陽驚坐早軒軒元祐登瀛正少年殿上仍簪侍五  
筆江頭新艤使君船吟哦氣爽滄溟曲步武心期白  
日邊守得東南知不負夢中應作五洲仙

寶應界中絕句三首

倒景虞淵日餘威澤國霞宵行逐明月水宿傍人家

又

泉水秋浮鷁荒陂暮聽蟬登瀛從此路出守已衰年

又

淮天秋日下水國晚涼中舟子趨程意軒軒欲貫虹  
明月亭下作

杳杳蕪城起暮鐘停停華月照秋容使宜碧海依墻  
塹雲水情知隔萬重

繫舟長蘆作

夜泊長蘆星滿川晚來吳楚氣昏然雲雷相遇還成  
雨江海交流獨艤舫廢室無人喧白浪荒村何處起  
青烟文書滿眼從拋棄却倚蒲團學坐禪

長蘆五絕句

吳楚中間天杳茫，愁霖傾巷水洋洋。千帆渡口低鷗翼，海闊風微不敢翔。

扁舟坐出國門東，煩暑端如坐甑中。一雨一涼皆可喜，只嗔三日打頭風。

白霧應連滄海東，鄰舟相失渺茫中。時時客子江頭語，社過應須有好風。

波聲袞袞百川流，七日津亭厭鱗舟。遙望叢祠燒的乳，美風還遣莫淹留。

去盡江灣伴侶，船整帆徐出浦沙。邊風溽沃日心彌壯，老矣無因似昔年。

諸葛武侯

天下軍書動西南霸氣偏大公謀國妙伊尹佐時專  
季漢基還立強吳勢外連兵從新節制志復舊山川  
霜肅關中曉春浮渭上天恩威人竝附將相器俱全  
醜虜羞巾櫛遺音被管絃妖星如不墮功業管蕭前

宣州吳子權送陵陽酒

夢寐陵陽天上山曾將心約白雲閑仙銜已下青冥  
裏塵骨難留縹緲間三尺溪魚如可控千年遼鶴尙  
應還多情別後能論舊遠寄官醪爲解顏

宮詞二首

十頃西池近碧天，春深調馬教龍船。  
至尊勤政歡嬉，少企望鑾輿又七年。

雲霧貌香錦繡帷，千官重列序賓儀。  
欲知湛露香蕭處，盡在天杯側勸時。

池州山

水際天邊盡畫屏，廣寒宮闕玉爲城。  
南來已得江山助，到此逢山眼更明。

三山磯

磯下長川欲倒流，江豚出沒水禽浮。  
憑誰爲告詩仙道，今在青天盡處遊。

彭澤山

山磯環台闢鯨蚪白水如湯動地流崖广盡成斤斧  
迹當年誰與化工謀

發彭澤

御風南去覺冷然今日無慚禦寇仙廬岳奇峰將出  
地豐城寶氣已連天詩書未敢當謀帥忠信由來可  
濟川正仗江神扶羽翮解帆章浦夕陽邊

橙子

秋露凝漿細朝陽入色深冰蕭不須搗恐碎裏蹄金  
將至湖口作



一帆安穩轉汀洲  
吞吐波瀾畫鷁道三尺龍文光景  
動川平何處有蛟虯

次韻馬中玉春日偶成

京都久客憶歸類  
准擬江南看早春  
病恐餘生萬事  
已起鶯芳意一番  
新東湖水滿魚應樂  
南浦波明柳  
自攀玉臉芙蓉容易得  
要須丁祝養花人

草石寺

寺有潘閒題壁權德輿宴坐記

高士去已久遺蹤猶可知  
竹陰侵宴坐山影在平池  
塵蝕秦軍墨苔侵相國碑  
漫尋蕭灑趣俯仰愜心期

六霞宮

有二道士善鼓琴

誰氏夸豪力，琳宮一手開。  
光華動金碧，蕭灑絕塵埃。  
賔石洞中火，流霞天上杯。  
籃輿穿翠樾，只爲聽琴來。

送李端叔定州機宜

才高祗合住蓬瀛，步武優游地望清。  
何事塵埃久京國，却衝兩雪向邊城。  
草書洛筆千毫秃，談席揮犀四座傾。  
早晚封章來薦鷄，一鳴從此使人驚。

癸酉臘雪 一二月十九日

又見同雲合，朝來雪滿天。  
寒生梁苑席，興在越溪船。  
不復風鳴屋，應須澤到泉。  
農家相慶喜，處處畝鍾田。

惜竹 井序

東齋有竹數竿翠蔚可愛其旁眾笋附生浸益深茂  
最後出者尤若奇特不意解箨未盡而爲老兵手折  
之悲夫以干雲蔽日之勢而摧於窗戶之下以凌霜  
冒雪之姿而失於俄頃之間環步往來淒愴良久不  
能忘情旣而自營解以爲陰陽之化育天地所覆載  
孰非假妄自四肢百骸外至耳目所接諸物若器皿  
若室屋親愛之聚輿馬之隨孰能固守而終全之會  
合出於暫然至於離散壞熄此理終在何獨一竹可  
傷而介然於懷乎乃頗能自遣而宥役兵之罪然復  
一到其下則初心還起不能平也余真大惑者歟抑

物之難得而可愛當然者也姑置其說寓之以詩  
老藓墻陰夕照間何人折我翠琅玕卽今綠葉隨塵  
化猶有低枝帶露殘不放雲梢侵霰雪因嗟世故足  
波瀾故園未乏簣簞品十頃繁陰六月寒

贈夢符朝議

玉溪在夢符宅後

人笑公衣不浣濯我憚公心霜雪明青衫仕宦有眞  
烝白首鄉閭無惡聲相逢回首又再歲已去還來觀  
太平無事南歸太果決蕭然還作玉溪生

駕自宣光殿還內

直午開金闕中天動玉輿千官星拱極萬乘斗回車

瑞氣春妍後清風雨霽初鳴鞭嚮寥廓彩仗正蘇舒  
古禮觀瞻始皇情酌獻餘書林俊遊盛拜舞爛袍魚  
景靈宮奉安神考御容

先帝遺弓劍威靈在九州方悲風馭遠已見月交遊  
別殿笙簫動中天彩翠浮觚棧參魏闕氣象擬蓬邱  
羽衛森幢蓋都人識冕旒吾君孝心遠文考自無憂

題山光樓

山靜圍平野樓高映碧空人居仙島曲天入畫屏中  
倚檻雲蟾近傾觴野客同扁舟期一到須借五湖風

芍藥

樓上看紅藥都城值暮春風葩低永晝露臉泣芳晨  
憶昨淮南客曾爲詩社人輕明是樓子閑淡有天眞  
此地須都會茲花莫等偷難揚不復夢羸馬禁城塵

大風

萬竅軒軒漸怒號坐來渾怕屋山搖洞庭曾聽成池  
樂吳會飽聞滄海潮此地風聲良有以殘春人意正  
無聊雲師又灑天街雨明日千官好上朝

洪福寺藤架

生長應毫末敷腴忽十尋繁花春不歇密葉晝長陰  
風過龍蛇動雲開洞府深時來學宴坐朝市不關心

讀梁武帝本紀

破除網紀事虛空可恨蕭家一老翁魚爛土崩俱自取不須侯景到江東

鉅決堤防縱怒濤橫流四海盡滔滔單于已入朝陽殿軟語空疑定力高

楸花

淡薄已無俗秋高真出羣  
峩峩揭翠藻漫漫綴紅雲  
遠色天街盡餘香省戶聞  
狂風曉來劇惆悵落糝粉

送望聖監南嶽廟

還鄉同赴紫宸朝笑語從容慰寂寥  
白髮侵凌今滿

鐘青春靄旅舊連鑣烏江小隱西園在湘浦新除道  
路遙老境不堪論契闊東風官柳亂堤橋

景靈宮殿多植醴醖清香遠聞

宮殿沉沉鑲碧雲仙葩相倚正敷芬珠簾翠幄知多  
少不礙清香處處聞

送韓密學知定州

聞說公家閱古堂于今出守似還鄉營開細柳旌旗  
勳山假燻脂首蒨長北府貌貅瞻玉節南樓風月寄  
胡床親朋出祖無惆悵早晚韓侯對未央

游凝祥池同晁無咎作



平時念江園此地慳幽情楊柳繁無路鳧鷖遠有聲  
郊原斜日下襟袂好風生把酒須拚醉還家不隔城

送鄭公甫通判睦州

又向東南去都門奈樂何塵埃京洛久山水富春多  
宴俎誇魚美書帷待雁過鵬程休暫息九萬看騰波

遊洪福寺

清晨戒童僕匹馬出皇州欲探道迢迢趣因成爛熳遊  
藤蘿回晝暝雲雨送春愁傍近緋桃塢尋春亦少留

睡椅

非馬亦非船可坐兼可眠客來呼不應睡美腹便便

書慵食飽後還作定中禪

次無咎凝祥春遊三首

芸編杖罷始嬉遊池館雖春爽似秋同舍病郎追不  
及喜傳佳句到瀛洲

浴日池光初炯炯王春禽語已關關珍壺閑館波濤  
接太液昆明伯仲間

奉靈池館鑲幽深遺迹淒涼故老心維嶽雲車時一  
下值疑絲管有來音

遊州南同文潛作

我峩宮殿列仙居淥水方圓氣象殊萬里舟船會京

洛幾人詩酒到蓬壺日斜清弄來幽谷風定燭紅滿  
綠蕪語罷恍疑真夢幻不應天邑有江湖

館中桃花

蓬壺深絕鑠芳菲初見仙桃第一枝天近自應風景  
別春長莫恨化工遲相重朱戶人稀到半掩香苞蝶  
未知想像江南今盛發亦經頻雨稍離披

早春

欲探年光好春風入酒甯寒威隨雪解芳意逐晴添  
塞雁今回陣冰魚稍出潛王孫幽興動顏巷自安恬

謁吳傳正因贈

宴坐足觀妙朝歸還閉門身居丞相第室似給孤園  
競逐浮雲駛難措古鏡昏相期荷君厚商推有清言  
立春晚會呈經父

侍史新從天上歸相逢剩喜著春衣萱芽刺土占芳  
節蘭醕傾觴亂夕暉兄弟幾人華夢聚歲時經眼羽  
翰飛東風處處吹噓到從此鄉山筍蕨肥

石榴

造物巧彫鏤慙勸在石榴中妍靈暴露外穩不輕浮  
露液甘凝蜜瓊房密貯秋非徒適人口飢坐亦風流

送何司封知壽州

清淮帶城郭形勝壓吳天人告懷襄後帝求師帥賢  
名郎已分竹畫鷁似登仙昨夜驚鳥坐星輝共黯然

送傅正之官禮部

妙道微言早自知釣衡何事器君遲連牆並屋相從  
久聳壑昂霄此去宜畫省合香修故事青雲呼仗講  
私儀想君清直家風在好仰朝廷作伯夷

十二月朔入局

坐聽禪林叩曉鐘官曹遙指禁城東千門灑掃冰纏  
路萬木號呼葉受風金殿放朝閑虎士蟾泓揮翰冷  
瑤宮春暉閃目無多日預草新文擬送窮

送歐陽仲勉通判渭州

當年筆戰共詞場老大聯袂振鸞行薦贖北來當玉  
座筵車西去擁銀黃潼關曉色雲藏市渭曲春寒葉  
有霜公退登臨多絕唱解因風月記江鄉

宗伯集卷七終

宗伯集卷八

宋 孔武仲 常父 著

律詩

至日拜表

絳闕橫霄瑞霧重，千官拜表未央宮。  
琤璫玉珮侵寒漏，縹緲爐烟壓曉風。  
懋直期同日，永堯齡共祝與天同。  
賤生亦與華封祝，遙覩清光斗極中。

送希甫使蜀

漢節西南出征鞍，萬里賒清朝。  
早揚歷遠使，更光華山壯蠶叢國。  
雲深杜宇家，暫宜寬大詔。  
恩信到天涯。



苦寒

十年被冷東南方未慣清寒客帝鄉碧落有聲飛夜  
霰輕裘無力拒晨霜鯨依海凍先摧鬣鴈起邊沙易  
失行蒲柳脆肌尤不耐暫憑盃酒作春陽

入雪

窮年闕雨謾悲歌喜見凌晨雪意多天上亂花初剪  
玉樓頭密影已翻波輪蹄著路纖塵斷庭宇無風塵  
氣和寄語雲師勤覆護莫令光景漏銀河

寓目

啾啾黃雀在枝間歲晚荒郊怨苦寒容易鷺飛無處

所人家曾借畫圖看

立春日 是年幡勝新賜館中

閏歲春寒便有花官閑只飲酒如霞殿門促賀新幡  
勝書館年來事事嘉

次韻瀛倅鄧慎思見寄

官是麟臺邛作州蓬瀛俱稱列仙遊憶分曉色趨天  
闕想對春風倚郡樓書付燕鴻應易到人如隴水正  
分流江湖未有歸耕處何日相逢說旅愁

初賜幡勝戲和諸公

鑲幡翦勝喜傾朝不問紆藍與珥貂羣玉參差排晚

日萬花鑲碎動春霄蕙風已轉東郊綠柳雪猶低北苑條從此恩波與溫律併隨歌頌入咸韶

拜賜匆匆早上朝公卿前列盡金貂日留愛景明雙闕春逐恩輝下九霄靈沼輕澌猶覆水上林微綠已索條自慙羽翮非鸞鳳亦預彤庭舞舜韶

冬至夜飲

翠帟排銀燭金爐飄篆香人情感佳節天氣踏新陽醉怯醇醪酒寒知碧瓦霜明朝指天闕萬壽獻君王

至節小雨

半醉聽銀漏輕寒解屬裘新陽萬物動小雨五更收

高閣青槐道，晨輝紫禁樓。皇恩與天澤，潭逐管絃流。  
游建隆觀

瑞雲靈迹久，荒蕪琳館重。開尊碧虛遊，迓馬蹄過勝。  
境紛紜人世得，仙居異花重。疊春輝，早喬木森陰晚。  
景疎金闕瑤臺，不容久歸來。風馭冷襟裾。

淨因院赴浴

漢客疲江海，乘槎萬里歸。重尋象王舍，一洗洛城衣。  
壞壁疑香靄，明軒泛暮暉。紅塵不相貸，歸路驟駸駸。  
次韻末履中歲晏言懷

寂寞郊居遠，晨晡四馬馳。目驚東逝水，心感歲寒枝。

霜色朝如洗雲容暮不怡梁園將密雪不飲亦奚爲  
次韻李至之席上作

歲月翩翩插羽過十年依舊歎蹉跎雁回燕塞鄉書  
少雪滿梁園雅集多取樂醉鄉聊解后爭新談藪任  
紛羅慙慙尙託樞衣舊遙計巴吟續郢歌

送曹子方奉使闕中

聞說乘輅美全勝赴  
先聲馳嶺海和氣入山川  
路速藍輿過書憑塞雁傳祝君求異粹醒我北窗眠  
五鼓

永夜無塵事閉眼似道堂紙窗分曉色絮被借春陽

萬慮此中息一身今可忘周公不足夢佳趣在羲皇

孔周翰挽詞

邂逅湓江口方知叔父親榮華纔一夢奄忽幾千春  
白玉沾何晚精金鍛愈真耆年所宜得天苦奪斯人

又

循吏今之選皇華使者輶關河初異路巾笏偶同朝  
急景摧遲莫清魂返次寥一哀慚不達生理故風飄

又

晚歲班朝列光華動士林家風當冠豸官序正腰金  
霄漢亨衢淺膏肓積疹深淒涼哭門館笑尙餘音

黃幾道挽詩

當時京右盛朋從邂逅經旬託泮宮詩社苦吟霜月  
白離亭縱飲酒盃空十年契濶江湖外百歲推遷夢  
幻中行已臨民俱可述仍高孝友古人風

施夫人挽詩

有子紆朝服平居奉典彘蹉跎五鼎養奄忽百年期  
故老萱堂掩新阡薤露悲遺芳託齋白彷彿九泉知  
司馬溫公挽詩五首

龍卧南陽久天回北斗高廟堂更政化巖谷起英髦  
正色朝端肅華顛國務勞西州忽移翠風水助悲號

又

鼎鼐華元老朝廷倚上台除痾得鍼砭作解有風雷  
尙冀松楸壽誰令柱石摧英靈參列宿餘惠在春臺

又

賜告恩稠疊聞喪上震驚秋原無喜色夜警有悲聲  
世路嗟存沒公心達死生蓬山預讎校親見史書成

又

高步朝廷上羽儀鶴鷺行精誠貫金石素節履冰霜  
爽氣今仍在斯人沒不忘嵩雲自閑暇長映讀書堂

又



拙與世沉浮登門二十秋雲天曾送上風壑此來遊  
霄漢三台坐江湖萬里舟樞衣已不及悽愴逝川流

龜山寺納涼呈宗衍師

寶洞焚香罷山堂問話中日將秋共淡心與境渾空  
彈指看浮世被襟望遠峰因知冥坐者白首樂無窮

泗州

天都佳氣鬱葱葱轉盼江河萬斛通何但臨淮稱要  
地直因排泗有神功僧伽普照靈如在寶積都梁翠  
倚空慚愧使星留客厚塵埃揮手各西東

寄武昌簿孫彥常

羈旅悠悠歲月殘勝遊無復似西山從容把酒來天  
上滴瀝鳴泉滿坐間醉思隨風飄碧落離襟和月背  
荒灣遙應蠟屐頻登覽簿領無憂多晝閑

館中呈魯直

日過鰲山三次紅陳編相對鬢如蓬朱門請謁無時  
了且訪東隣慢詭翁

慢詭翁魯直自謂

試院書事呈子駿明叔三篇

憶初懷詔下天街紅燭相隨御史來場屋喜遵新定  
格朝廷思見已成材誅鋤險異歸平坦洗滌英華出  
草萊文藻諸生皆足用更期儒行比騫回

當年場屋未分袍  
文陣今將逸對勞  
紫案飄香陪序  
拜畫堂橫幕看揮毫  
心游造化羣器靜筆吐虹蜺  
萬丈高長育人材  
今久矣行看中選盡英豪

汾陽章曲盡名臣  
邂逅羣遊得遠孫  
玉琢兩圭看德  
器河傾下里瞰詞源  
爲行平日隨朝謁鼎立今朝定  
討論只恐門開便分散  
追風難認馬蹄痕

試院呈上官御史

當年典樂在虞庠  
今日掄材道更光  
但愛襟懷無岸  
吝不知銜位帶風霜  
氣鍾海上仙山秀  
袍擁天邊玉  
案香衡覽賴公歸  
一律明朝歸馬快騰驤

試院書事呈同僚諸公

九衢奔走厭紅塵官舍連朝得閉門  
整靜軒窗移白日青熒燈火送黃昏  
披衣已愛星辰爛奉御方瞻斗  
極尊早晚虞庠誇得士相隨笑語入天關

送梅子明還吳

姑蘇限雲水官舍隱蓬萊  
出沐青山湧橫江畫舫開  
家園雖隔到書舍早歸來  
新命鄉人喜神仙舊姓梅

大業二絕

西苑池塘涸海流  
君王十騎月中遊  
娥眉排戶爭新寵  
不道迷藏自有樓

杳杳揚州只隔淮  
龍舟彩舸映天來  
春風咫尺伊川路  
不放君王殿脚回

夏日入館

百驪曉轉綠槐陰  
金碧重重魏闕深  
洞裏天花長帶露  
門前畏日自流金  
雲臺朱鑑鄰星斗  
石室牙籤照古今  
宦學從來難兩得  
君恩優假是書林

四月二十八日拜第二表請御正殿

驟雨鳴宮瓦  
新槐密禁城  
駕行趨曉肅  
雞唱入雲清  
日尾千機動  
風傳萬歲聲  
天心未允協  
飛奏入承明  
大熱歸城西  
止於興國戒壇院

紅塵疑馬盡飛浮日脚橫天凝不流金碧崢嶸涼意  
動歸軒聊作化城游

館中夏日

珍簟舒明玉涼窗納遠天殿樓傳遠鼓宮井取深泉  
竹籜風頻脫榴房晚更鮮却驚非故國五月未聞蟬

甫舍新闢西窗二首

推倒西牆半日功暑天饒作一窗風人間豈有炎涼  
隔只在施爲向背中

淺處榴花被曲隈繁陰初逼坐中來西鄰小檻如圍  
畫偷入簾帷次第開

待朝

小軒斜透山南月，坐看天邊桂影移。  
團扇矮牀涼透骨，忽忽無奈上朝時。

次韻天覺行縣

餘霜稜稜認乘聽，分走郊圻督事功。  
照路官儀驚眾目，快襟詩思有清風。  
隋河楊柳榮天上，魏闕瓠稜在夢中。  
朝會相逢勞行色，滑稽酬對興無窮。

碧蘆蓼花在天慶觀

御水泱泱繞禁闕，碧蘆紅蓼特相宜。  
玉堂金闕非人世，亦有繁華興盡時。

游藉田三首

酷暑不可追天郊聊共尋雲繁當飛蓋風好得披襟  
白水田疇遠紅渠浦溆深斜川陶靖節千載想知心

又

杖履重林外樽罍曲水邊深荷時下鷺喬木正嘶蟬  
敏捷文獻戰清涼竹簟眠浮瓜復沉李况有主人賢

又

落日隱山谷清風來戶庭爛柯棋已罷伏檻酒初醒  
歸轡須長驚都門偶未扃辛勤到蓬華林表已華星

書省卽事



恩旨難書到午休笑談追伴得優游窗聲泚泚回修  
竹庭實鮮鮮舞石榴風色洗清天畔闕鼓聲遙轉日  
邊樓羣仙暫駕飛鸞去從此蓬山更少留

六月望參

宿露初晞物向陽袍鞞如水轉回廊天開北極星辰  
正風應南薰殿閣涼冀英已贈圓魄就槐花初覆廣  
庭香朝廷禮數優元老獨後千官拜未央

謝彥成子姪四人同時登科調官南歸

處士好孫息秘書賢弟兄弓旌萬里會蘭玉一家榮  
盛事酬先志清風警後生田園何足道力學是功名

馬上有作

宮城北轉亂蟬嘶，喬木陰陰水滿陂。  
一陣風來掠餘葦，江湖清興有誰知。

送傅龍圖帥秦

公才榮落有施爲，鎮俗安邊正及時。  
東序圖書遷秩峻，西州父老歎來遲。  
門開細柳軍無定，劍下樓蘭虜未知。  
聞道秦州多勝迹，登高能廣少陵詩。

送景文之官明州

京塵不可久，得地海濤東。  
市郭滄溟上，巉巖翠嶂中。  
江瑤如切玉，越女不施紅。  
官事從容了，時當作醉翁。

送天覺使河東

張郎肥馬衣輕裘俊氣軒軒不解愁曾立玉墀聯近  
侍新持金節領諸侯屠龍伎倆終須用探虎功名未  
肯休去矣范滂聊緩轡太行雲路戒摧舟

坤成節南宮賜宴

盛德千齡會坤成四海觀南琛走交趾北費引呼韓  
紫極經躔近文昌步武寬橫天起嵩華照地集楹榭  
美酒來天祿珍醴賜大官鑪煙凝棟宇冰雪襲盃槃  
瞻拜戎心服山呼士氣完風清百尺簾花壓兩梁冠  
雷作闐闐鼓猱升看戲竿華綉舒霧縠妙舞起波瀾

喬林秋聲遠高城夕照殘  
天街淡佳氣振鷺登歸翰  
送芸老通判

御史連章乞此行制書優遣副專城京師豈乏翺翔  
處忠義先期去就明祖帳盃盤留晚色關山草木動  
秋聲西州莫作經年計早晚君王召賈生

有旨放八月朔參

八月大明宮朝班放會同天時鬱殘暑聖語似清風  
蕙帳使秋睡沙堤緩曉曉葵心終下已長望日華東  
聞王師破洮河城獲鬼章

時在同文考試不與入質

盛德包荒與古同十年關塞古洮戎神兵合沓來天

上猛虎逡巡落檻中蜀境粗償關羽恨漢津今奏武  
皇功城陰却歎周南滯夢想鸞行紫禁中

次韻鄧慎思初入同文館

慎思初薦於廣東先  
爲轉運州判有詩贈

行

十載江湖萬里行偶來西館閱豪英雲龍九闕晨書  
詔燈火千門夜出城瀟灑酒庭除當月色重稠幕帟斷  
人聲年家兄弟今同舍會見河南起賈生

次韻余樗年同文館書事

衡門咫尺限關河此地平時匹馬過欲把塵埃比山  
嶽寧辭羽翮寄豈羅華堂翠帟供閑燕明月清風伴

嘯歌擬寫秋容須筆力新詩句句似陰何

酒帘

閃閃風中誇綠醕當年匹馬下旗亭秋原敗葉聲如掃只有雲山伴醉醒

呂雅卿出孔雀畫圖

晝卧蓬山禁漏長起觀名畫得心降曾聞吟咏依南海頗怪飛鳴到北窗峭裕正宜風作馭脩翎堪與鳳爲雙知公物外尋幽好不戀榮華擁節幢

上禪除恭謝迎駕有作

仗衛風生下玉宸傾都瞻望羈車塵乾龍已應飛翔

始震颯方觀薦奠新星象低徊隨曲蓋天閑蒼莽入  
鉤陳麟臺亦與班迎末不美甘泉作賦人

送張文潛之淮南

藏館登仙後金閨引籍優辭班見天子行色動諸侯  
楚日籃輿暖淮南畫舸道歸時春已好遲子曲江頭

蛤蜊

去年曾賦蛤蜊篇旅館霜高月正圓舊舍朋從今好  
在新時節物故依然栖身未厭泥沙穩爽口還充鼎  
俎鮮適意四方無不可苦思鱸膾未應賢

送崔伯陽守潁州

曉說新除美州臨潯水清風謠帶京洛湖島似蓬瀛  
昔泛扁舟下今聞太守行山川應好在爲道旅人情

十一月十六日入館

關本無

一雪初乾曉日紅行人爭道已憧憧泥紫馬足行多  
躓寒犯貂裘力正濃地逼新陽雖喜氣雲垂滄海更  
愁容便應買酒邀僑侶爛醉高眠羣玉峰

送游景叔使陝西

諭指嚴生不憚勞爲君談笑取臨洮  
輶車復歷秦關險繡屐新瞻漢殿高  
直使三農居隴畝勤將尺蠶薦  
英豪峰嵐潤水香山路想見春風動錦袍



臘月三日

寒窗動色曉暈暈又見京城臘月三官渡梅花應照  
水杳然回首憶江南

雪後

萬里屯雲一夜收天街累日未通牛峩峩正覺巖冰  
起灑灑還同澗水流色變荒郊迎日媚氣蒸黃壤遍  
春浮農家不用藏乾麪相與新年飽麥粳

興龍節上壽

瑞色峩峩宮殿明千秋佳節會公卿香飄彩霧紫天  
仗酒把流霞滿壽觥密勿華封多好語錦洋鈞泰盡

和聲自辨初頂帽鴛鴦江海飄萍已半生

補詩

萬里殊方種東隨漢節歸露珠凝作骨雲粉漬爲衣  
柔絲因風長圓青帶雨肥金盤堆馬乳樽俎爲增輝

金橘

暑岸千株綠秋庭萬點黃晶明能奪日圓滿要經霜  
瑞露凝膚滿甘泉沃肺涼吳儂不解事金椀薦檳榔

送王頤赴官入桂

久不憶桂海因君還起予江光平浸石山翠上凌虛  
黃卷窺尋舊青衫颺勉初年豐桴鼓息清趣在琴書

獻西伴

先帝謀西域邊功未告成一朝鋤狡穴萬里振天聲  
漢獄宜歸死湯羅尙借生淮陰甘就縛頡利許留京  
雲氣占中國星辰闢大明珠簾垂後殿玉座俯西清  
二帝臨朝會干官響珮珩理司來執說譯者爲通名  
殊俗衣冠異粟魁口眼殫孽狐仍俯聽窮鳥尙悲鳴  
上德均乾覆臚傳貸鼎烹大庭觀舞馭滄海息波鯨  
祿給朝脯繡書通父子情焦黑已馴伏螻蟻敢縱橫  
憶昨初擒寇無慚古用兵謀謨雜素帙軍事許專平  
蕃漢心諧會神祇力混并波深迷古渚氛霧壓洮城

慘淡移天陣，逡巡却寇營。空拳搥禦獮，隻矢殲欃槍。  
雜種降無數，良民市不驚。旂常配方召，干羽繼韶莖。  
奏捷公卿賀，酬勲將佐榮。夏戎幾失飭，遼主願尋盟。  
詭道吾何用，沉幾見未萌。終軍雖喜事，勿復請長纓。  
送仲至學士使北

聖算招懷萬里戎，累年南向不彎弓。休論遣使千金  
費，絕勝爭城百戰功。古驛玻璃晨綬酒，陰山狐貉暮  
排風。歸途剩記殊方事，付與麟臺逸史中。

喜雪十韻

此夜不成雪，明朝應作霖。細聲來戶牖，爽氣入裯衾。

窺隙疑相射，循簷覺更深。因風成側陣，過竹有餘音。  
晝閣迷欽玉，旗亭付酒金。封漫碧澗曲，點綴假山岑。  
鶴驚行難麗，牛衣卧不任。漁罾平易失，樵徑浩難尋。  
却負明光賀，潛追霹靂吟。天銜立馬望，雙闕正球琳。

答宋履中見贈

粉袍如雪會羣英，往歲曾當月旦評。夢想十年嗟舊  
事，翱翔三舍羨新榮。相如素擅爲文麗，班固終期作  
史成。潦倒詎堪君借重，篇詩今見古人情。

元日值雪

東皇點綴一何工，飛下琪花頃刻中。變盡樓臺成夜

月不容車馬競春風時嘯廣市黃泥污冷淡羣山彩  
日紅野店相逢應更喜從來盈尺端年豐

次韻李端叔見贈

君才瀟灑應時流久滯寧非命壓頭昨見河南推賈  
誼行聞天子召吾邱已無痛飲觀風味猶有新詩講  
報投京洛塵沙著人甚清涼高爽憶宣州

留題無咎卧陶軒

南陌塵如霧北窗清有餘雖無彭澤柳已富鄴侯書  
晝禾禽音緩門閑馬跡疎翛然印高枕嘉興擬溢廬  
直舍之西植竹兩叢經歲甚茂

去歲披雲自訪尋，交加綠玉已成林。肯隨春圃羣芳老，喜對秋庭數畝陰。巴峽廬峰聲浙瀝，涓川斜谷氣蕭森。軒窗咫尺收嘉趣，不負東南萬里心。

寄會稽丞趙振道

龜峰琬琰翠成堆，軒檻前當秀色開。此地登臨比圖畫，與君談笑繼樽壘。傳聞佳景無時乏，依舊清江不斷來。今日關河隔千里，相逢何處少徘徊。

寄題程邵中家圓石

翦斲蒿萊得好峰，榮紆裝點思無窮。尋幽已到神仙境，發秘渾爭造化功。官序隱登臺閣上，夢思遙寄水

雲中扁舟我亦謀歸去暫向巖前作醉翁

送高善時赴官

王國方登俊清才尙折腰萱堂餘怡在瘴海此行遙  
冥語無疎澗離懷但黯銷紅塵一羈旅風馭羨飄飄  
次韻李端叔

此身萍梗厭飄流暫寄潯陽江上頭勝景長年關夢  
寐輕裘何日返林邱扶搖莫作扶搖計樸楸應留樸  
楸投徙倚高樓情不極恰如玉案在荊州

文德朝參退舉觴觥於幕下歸館中頽然醉卧

官曹多暇未有如此因作四韻詩以識



朝罷千官卷雁行袍衣猶帶御前香  
偶傾天上流霞美便憶壺中白日長  
叢竹娟娟簾送碧回風浙浙殿  
分涼偷然不與人間事未信無何別有鄉

休日出城西

秋懷不可奈驅馬漕河邊  
川躍時聞鯉林嘶已斷蟬  
勞心逐外物回首是殘年  
強作遨遊計登臨却黠然

聞袁思正卒於宿州

畫舸西河載酒回東籬持菊待君來  
何知頃刻成千古不及從容共一杯  
羈旅夢魂難際接平生交分但  
悲哀中年萬事長心惡何處愁眉得暫開

偶書

夜枕惟便睡，晨窗不展書。學文真漸懶，與世況全疎。  
老合耕山澗，恩容寄石渠。食糲亦堪飽，不歎食無魚。

夜直東觀

蕭散愛閑官，因循亦厚顏。聊休俗士駕，獨宿道家山。  
風幔自舒卷，月窗重閉關。其如江海夢，已與雁飛還。

次韻宋履中兄弟九日詩

遙知把酒對重陽，簷外秋聲葉半黃。落帽想當追故  
事，披襟仍喜得新涼。自憐僻處真匏繫，只羨清吟屬  
雁行。聞說家楹增壯麗，落成應許到華堂。

送范中發知蘄州

漢南行樂不可復，殿中立班時。會君華省方，看列宿  
貴名州。欲見左符分，飄蓬聚散古。難必塞馬去，來鳥  
足云出處。行藏君素達，吟情聊對祖山雲。

寄題徐季叔桂香亭

淮縣築居好，桂亭率興長。偶分巖下影，別有月中香。  
蕭灑欺松竹，嚴凝耐雪霜。從君酌樽酒，歲晚玩幽芳。

十月朔過殿

平曉清風響北林，大明宮殿肅陰陰。雕輿來自雲天  
上，繡座遙瞻斗極深。庭廣袍衣自相照，朝回幡蓋尙

餘音太平文物多師古想望漢唐猶視今

十二月十二日後殿朝參

廣殿沈寥邊鳴靴趁靜鞭中宵黃道直諸御錦袍鮮  
夜雨塵如洗秋槐影尙圓銀燭不奏事人樂太平年

十二月十六日後殿朝謝

晨光先到帝王州別殿珠簾不上鉤萬歲聲齊山獻  
壽九門朝退海分流參差雉尾回丹陛杳遠雞聲下  
禁樓年少曾來奏詞賦鈞天却記夢中遊

苦寒

晨風獵獵卷書堂坐愛松篁耐雪霜歲律擘曦催暮

景時光宛轉，逼新陽。金卮滿引，顏雖解石火深籠。姐  
不長安得仙家，卻寒衾吸吞霞氣，赤城傍。

武仲伏蒙寵寄新篇，不忘往事，恩誼甚厚，謹依  
嚴韻和酬，伏惟台慈特賜采覽。

治才優似尹京年，餘思吟哦入彩牋。元帥子孫真將  
種，翰林風格自天仙。追隨盡臘無留刻，揮染香煤有  
剩煙。盡是從容雅歌事，銘功何苦勒燕然。

壬申仲秋，與東觀曝書之會，謹賦五言四韻律。

詩一首

秋聲解煩暑，尊俎可從容。盡會青雲士，來遊羣玉峰。

琅函窺一一金鑰發重重四庫傳觀喜惟應吏因供  
武仲伏蒙知府待制寵示新詩謹課成短篇以

獻左右

侍從榮依日月光更因盤錯試鋒鋌諫書不上時無  
事訟斲無留日倍長舊好葭莩容間見新篇錦繡得  
家藏自慚思澗無高韻嗚管何因擬鳳凰

寄子出

江上忽忽別孤舟誰與言塵今生我甑盜肯過君門  
水石吳山好風嵐楚澤昏相望欲命駕何日爲東轅

極目亭有作

浩蕩江風動客襟，短亭清曉一登臨。  
亂霞藏日半天，纈綠水侵空，千頃金壯志未成。  
遊學恨，素衣將散，別離心前山，更有難尋。  
景試爲閑來，一苦吟。

次韻介之

亭上掀簾試解襟，遠山曾舉勢前臨。  
長灘漸涿鏘鳴，玉落照蒸霞映翠，金運筆欲回天地力。  
高談直造聖賢心，於中覽景宜誰預，願結夫君此笑吟。

江上晚行寄介之

廉纖一雨適春寒，擊劍悲歌氣滿顏。  
消破古今惟日月，補完風雅只江山。  
我因爲旅成拘滯，君此安家得

往還一夕竹窗燈燭照論文談易雨俱閑

早春

密雨霏霏欲結霖  
酒開青帝發生心  
風吹嫩草迸微綠  
雷碾長空破積陰  
啼鳥隨陽聲自得  
卧龍思海意尤深  
更看三月桃花浪  
舊巖凌雲在尺尋

介之會徐氏家飲薄暮不歸爲詩招之

金鞍駿馬照朱門  
樂會高張管楚軍  
狂客浩歌翻白雪  
豔姬醉舞轉紅裙  
花光灼灼連前浦  
酒韻氤氳上雲  
爭似竹窗風月夜  
青燈殘茗細論文

次韻酬昌侯見貺之句



讀君詩句骨毛寒直恐吟來得意難  
劃若震雷驚大戶爛如奎宿照雲端  
鋒鉞割截崑山玉意氣騰陵大海瀾  
欲識詞源最清處露珠新滴水桐檜

偶成

翦斷長翎入網羅十年光景怨蹉跎  
欲提長劍爲游說且卧空山學揣摩  
砧杵夜寒醒醉夢風霜秋緊役詩魔  
不須計較當時事黃卷書中寵辱多

秋日感懷

萬山松色鎖蟬鳴日透林陰上下清  
霜壓蒹葭連地白風吹河漢滿天聲  
穹廬夜動陰山虜玉甲朝屯紫

塞兵願漱單于一盃血心隨鷓鴣過長城

贈子通

金石論交古所希朱顏相結少年時自嗟齷齪逢人少尤喜軒昂出眾奇文字往來諧律呂笑談錯雜和填箎近聞俗語多讒間願子高歌錦與箕

和介之登樓見寄

俯瞰江城十萬家舊居却歎久荒遐秋空雲片歸飛鶴古木藤陰屈結蛇卧愛灘聲長在耳望窮山色接無涯憑君命句天然景流落人間與眾誇

題介之小閣

畫簾初卷碧山低，面面青藍翠拂衣。秋水暮天長一色，渚鷗沙雁或雙飛。煙霞照眼光相亂，松竹敲風韻更微。却笑屈原顛顛甚，漁歌何苦淚交揮。

江上

萬里長江一葉舟，客心蕭索已驚秋。亂霞影照山根寺，落日光翻水面樓。淺浦耀金知躍鯉，前灘點雪見棲鷗。少年壯氣悲寥廓，未忍滄江下釣鉤。

夜歸口占示同行者

一天星月明如晝，萬樹杉篁冷夏秋。隱約棹歌聞別浦，青燐漁火見孤舟。身居簡冊三冬學，心入滄溟萬

里游髮鬢重陽正明日與君攜酒登樓

秋夕感懷

秋空雨過一披簾萬象森森夜氣嚴皓露滴人珠滿  
袖金風吹月鑑聞篋荒堦蟋蟀勤相感大海虬龍方  
退潛物理窮通何足歎試開闔闔問洪纖

寄聶正甫

虎髯兩頰狀貌古開口論議辭非今尙藏折劍萬丈  
氣空馳老驥千里心六印他年新將相一瓢今日舊  
山林黃雲斷天望不極想君何處方悲吟

送周正孺知梓州

東蜀圍巨屏梓州天一方  
涪川照城郭緱閣護池隍  
鎮撫須賢守吁俞轍省郎  
不應嗟遠別垂組正夸鄉

宗伯集卷八終